

Broj:
Sarajevo, 08.02.2023.

Skupština Kantona Sarajevo
Zastupnik Prof. dr. Damir Marjanović

BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
KANTONALNA UPRAVA CIVILNE ZAŠTITE
n/r predsjedavajućeg Edo Okerić

PREDMET: ZASTUPNIČKA INICIJATIVA

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo” - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničku inicijativu Skupštini Kantona Sarajevo, Vladi Kantona Sarajevo i Kantonalnoj upravi civilne zaštite.

INICIJATIVA:

- Podnosim inicijativu da svi zastupnici Skupštine Kantona Sarajevo podrže i usvoje, a Vlada Kantona Sarajevo da osigura neophodna sredstva za **Kreiranje digitalne mape plana evakuacije stanovnika u slučaju velikih prirodnih katastrofa na prostoru Kantona Sarajevo.**

OBRAZLOŽENJE:

Digitalna mapa plana evakuacije stanovnika u slučaju velikih prirodnih katastrofa na prostoru Kantona Sarajevo treba biti kreirana sa ciljem pronalaska adekvatnih i preciznih informacija za stanovništvo koje je pogođeno prirodnom katastrofom, kao i sa opisom akcije spašavanja koju provode stručni timovi uslijed određene prirodne katastrofe.

Ovako kreirana mapa mora sadržavati smjernice vezane za dolazak na mjesto intervencije, izviđanje mjesta intervencije, korake u procesu spašavanja ljudi, životinja i materijalnih dobara, pružanje psihološke pomoći unesrećenima, pozicija na kojima se može organizovati podjela vode za piće, hrane i higijenskih potrepština, lokacije na kojima se može organizovati privremeni smještaj evakuisanih, lokacije prihvatnih objekata za sanitaciju i pružanje prve pomoći, mapu glavnih saobraćajnica koje će služiti za evakuaciju (a koje su povezane sa najbližim domovima zdravlja, ambulantom porodične medicine i drugim zdravstvenim ustanovama) i slično.

U sklopu digitalne mape plana evakuacije stanovnika u slučaju velikih prirodnih katastrofa, neophodno je i da se kreiraju digitalni vodiči za građane sa osnovnim uputama o načinu ponašanja u slučaju bilo koje prirodne katastrofe.

Ovako kreirana digitalna mapa mora biti javno dostupna, maksimalno prilagođena korisniku, a sa njenim sadržajem je potrebno upoznati što veći broj stanovnika Kantona Sarajevo. Na kreiranju digitalne mape potrebno uključiti dovoljan broj stručnjaka iz više različitih oblasti, voditi se multidisciplinarnošću tokom razvoja konačnog rješenja i uskladiti sve aktivnosti i akte sa Zakonom o zaštiti i spašavanju ljudi i materijalnih dobara od prirodnih i drugih nesreća na prostoru FBiH.

S poštovanjem,